

變

藏

通

走

(六)

鄭氏藏
船
PDG

重修安徽通志卷二百三十

人物志

武功

安徽風氣果毅代有奇才異能之士決戰於疆場衛社稷而執

干戈功烈炳然歷載史冊

聖朝簡用人才折衝禦侮自將帥專閫而下凡有勞績紀於太常舊

志載於武功其序如此邇者我

穆宗毅皇帝福祚中興肅清東南中原底定滇黔關隴以次蕩平皖南

北之名將勁旅立功徧於天下詳具

國史方略散見各州縣志其中多現存之人例不立傳其有戰功

著名而臨陣捐軀及受傷遽隕者悉載忠節傳中以表大節不

僅書勳而已述人物志武功傳

重修安徽通志卷二百三十 武功

安慶府

唐張鎮周舒州望江人初從隋陳稜討流求為先鋒斬其小王

歡斯老模又擊走其王渴刺兜追斬之以功為金紫光祿大夫

入唐為舒州總管武德六年大破輔公祏於黃沙鎮八年遷都

督就望江故宅多市酒肴召故人親戚酣宴敦睦昔之歡凡十

日既而垂泣贈以金帛謂之曰比者鎮周猶得與故人為歡今

日以後則舒州都督治百姓耳自是親故犯法一無所縱境內

肅然隋書張鎮周傳太平御覽卷一百一十八

南唐周本宿松人漢南郡太守瑜之後瑜葬宿松即墓為祠子

孫居其旁者猶數十家本有勇力嘗獨格猛虎隸楊行密帳下

每奮躍先登蒙犯矢石戰罷輒自燒鐵烙其創食飲言笑自如

行密取江西危全諷率兵十萬來爭其地本馳至象牙潭一戰

敗之生擒全諷江西以定歷官雄武統軍鎮壽州加安西大將

軍太尉中書令西平王本不知書然能尊崇儒士遇僚屬以禮

士民愛之徐知誥將代吳本已昏老其子祚懼禍代署勸進表

上之本愧恨成疾卒唐書本傳

周鄴本長子也少驍勇每從其父征討本略地至建州道經險

阨被圍垂困鄴躍馬救之手殺數十人翼本而出事知誥典親

軍出為滁州刺史知誥受吳譚鄰閩楊潯被執歎憤逾月人亦

以此義之後仕至蘆江節度使唐書本傳

元黃榮六桐城人元末掛車河有吳貴者乘亂而起貪財好殺

自稱元帥榮六築六兒城於蔣家山禦之貴不敢逼一方獲全

明太祖下安慶欲以保障功官之不肯受遂歸山以琴劍自娛

孫承從承樂入京師為羽林衛指揮世襲江南通志

重修安徽通志卷二百三十 武功

安慶府

明楊文勝潛山人元末紅巾之亂於陽城山立寨保障鄉里遠

近居民爭依之太祖征陳友諒文勝來歸擒友諒參政郭泰於

白沙河以功授惠州衛承信校尉世襲千戶危素楊氏譜序

畢銀太湖人元末盜起銀聚眾保障一方歸太祖從征友諒浚

河輸運兵無乏糧洪武元年授英武衛指揮使改授大河衛鎮

守遼東尋卒以其子文代承襲亦卒詔並歸其喪遣官諭祭江南通志

通志 安

石良宿松人元末盜起良聚義勇築城設寨以捍禦之太祖下

安慶良籍其土與戶獻之從征有功擢武德將軍英武衛正十

戶同邑陳漢亦聚眾保守歸附後以功授大都督江南通志

汪澤懷甯人原籍鳳陽其祖盛從太祖戰鄱陽父從征王保保

開屢以戰功著仕至後軍都督府都督世襲都指揮使江南通志

柳景懷甯人并曾孫景子文子珣三世皆鎮兩廣有平蠻功

珣又以討瓊州黎賊功晉少保明史并傳廣西通志新傳

黃應甲字汝第懷甯人少習韜略善騎射嘉靖乙卯倭突至蕪

關應甲以一旅禦之於姑孰倭不得入中武甲科屢遷粵西都

事海賊曾一本犯會城力拒之而遞討古田賊分七道進兵其

三門一道最險應甲身任之出奇搗虛遂入其隘平之又平廣

西哈喇喇賊章銀豹廣東龍川賊鮑時秀輩賊蘇觀升周才雄

復擒曾一本餘黨梁本豪晉大都督驃騎將軍世襲指揮僉事

子宮聲以平劉汝國功晉指揮同知九思三朝武功錄明史李錫傳

張一寵太湖人明季流賊充斥寵兄弟常負母奔竄崇禎八年

史可法追賊過太湖寵與族張頴濱往迎請建堡可法爲之請

重修安徽通志卷三百三十一 人物志 武功

得帑錢三萬創建未竣賊突至寵率眾守禦十餘日賊約一鐵

工爲內應寵得其情設伏如約誘而殲之賊以革裹木穴堡寵

以火禦之皆潰死穴中又誘賊首劉小槐近城與語突出火鎗

斃之賊乃遁去是役也寵一弟中流矢死而一堡得全土人名

其地爲上格城至今德之舊志

國朝王斌字憲伯懷甯人先世自遼東來徙順治乙酉從豫藩征

吳楚南粵屢立戰功給都司劄題授千總十二年海寇犯京

口斌駐圖山三戰三捷十六年海氛復熾斌守皖桐告急斌假

八旗舊幟前驅聲言兵至賊驚遁迫至六安斬其渠魁以功官

遊擊管常營守備事安徽府志

陳文靈潛山諸生明季徐黃兩督撫委鎮崑崙塞屢禦寇圍有

功保全生靈數十萬

國朝屢經獎准敘功固卻不受潛山縣志

伍雲驊桐城人順治初寇盜未靖應總戎李思泰募以功擢參

將從平大閩兩浙屢破海賊升總兵以老歸桐城縣志

戴宗禮字爾敦潛山人順治初官廣東廣州副將時有僞總兵

某焚劫寇掠宗禮奉委援剿殲渠魁獲僞印招集餘黨六千人

救難婦三百餘口招其親族給資領回土民勒碑誦德又調剿

江西崖石巢復調征福建懸崖寨招降賊九千餘眾方紀功超

擢以年老乞歸潛山縣志

吳宗秀字榮生宿松人順治開官遊擊管廣羅鎮中軍事隨征

妖人王應龍水西安坤等多生擒破陣有功加參將銜宿松縣志

邵嘉賓字子雋懷甯人康熙癸卯武舉歷官福建海澄中軍守

備海氛大熾孤軍無援城陷被執乘間逃歸盤山踰嶺七晝夜

重修安徽通志卷三百三十一 人物志 武功

始達大軍駐劄之處嘉賓拘於賊營頗能值其形勢虛實乃導

軍追剿一鼓破之恢復海澄漳廈等地以功進秩左都督江南通志

林鸞字采五桐城人性至孝童年侍父疾刲股以進受經於其

兄鴻工文詞善畫成康熙甲戌武進士官肇慶守備時粵地多

盜奉檄偵緝韶陽陽單騎入營論以恩威寇皆馴伏擢濟南都司

以病乞歸有圖書數卷而已江南通志

馬大用字萬宜懷甯人雍正丁未武進士授二等侍衛爲陝西

火器營參將署花馬池副將乾隆初調沅州沅故民苗雜處苗

恃獷悍多占民田大用單騎直入寨峒反覆開諭苗感而還民

田數千畝擢宜昌鎮總兵轉漳州鎮兼都督僉事時逆匪蔡榮

祖謀爲不軌大用夜率騎馳二百里入其巢縛之餘黨悉散移

鎮臺灣甲戌風災親涉鹿耳門拯救四千餘人累擢福建水師

提督嶺海賊渠畏服以老乞休卒

賜祭葬諡愼愼

懷甯縣志

葉林春懷甯人官潛山營外委嘉慶元年從征湖北教匪攻克四方台等處十餘戰多首功授千總旋以重傷卒

恩卹白金三十兩廕其子森

懷甯縣志

劉應世桐城武進士官河南撫標守備剿柘城姦民有功嘉慶元年從征楚匪以勞

賞戴藍翎給都司銜又隨征河南湖北等處教匪累升漢陽游擊以老

致仕歸

桐城縣志

余觀德潛山武舉咸豐初倡練殺賊九年管帶兆字營戰槎水阪等處皆勝以功擢藍翎守備從征浙江卒於軍世襲雲騎尉

潛山縣志

重修安徽通志

卷三百三十人物志

武功

五

安慶府

王家琳字寶川太湖武進士藍翎二等侍衛歷貴州下江營遊擊撫綏彈壓苗眾舊服累擢河南河北鎮總兵咸豐二年率師

援湖南長沙協守省城血戰擊賊卻之城圍遂解

賈花翎勇號卒於軍

太湖縣志

趙冠英懷甯人咸豐十年以軍功保藍翎把總旋以克復桐城

宿松黃梅廣濟保千總加守備銜同治元年克復廬州以守備

用從多隆阿援陝二年攻剿大荔縣王閣村羌白鎮回巢擢遊

擊三年攻蘇家溝渭城灣花花廟等處回巢并解鳳翔府縣城

圍擢參將加副將銜四年進剿甘肅黑城子賊巢克復鹽茶廳

城記名總兵五年沒於軍

懷甯縣志

徐鶴字清泉懷甯人初投効撫標隨營剿賊嗣隨

欽差袁甲三剿辦俞家灣賊及帶隊攻破賊圍遞保把總咸豐七年以

督標千總破北路賊圩克復六安又於泗州草溝集擊賊獲勝

保都司十年克復鳳陽府城升補甘肅靈州營參將未任九月

解鳳陽圍復剿賊定遠十一年戰淮河南北岸及泗州靈璧一

帶又守滁州皆有功十一月克定遠擊賊固城旋赴淮北辦理

團練時已積功保副將矣同治元年會同福建總兵攻廬州四

月克之追斬無算五月以總兵會同布政使張學醇總兵吳秀

攻克劉李二賊圩收撫金馬胡等圩進剿湖溝七月克湖溝收

撫年家樓五十餘圩滄北肅清

賞強勇巴圖魯補貴州清江協副將未任二年領強字全軍駐蒙城助

剿苗逆四年署壽春鎮總兵五年調補河南歸德鎮未任嗣以

南北肅清保提督

賞換額騰額巴圖魯勇號十年卸壽春事仍畱安徽統帶長淮水師在

重修安徽通志

卷三百三十人物志

武功

六

安慶府

營病故光緒元年奉

旨照軍營立功後病故例從優議卹

奏案

吳雲集宿松人由武童帶勇投效軍營歷隨提督鮑超攻剿皖

南北踞逆援剿江西廣東各省嗣隨今大學士直隸總督前

欽差大臣李鴻章剿辦河南山東各股捻逆積功至提督

賞巴圖隆阿巴圖魯勇號復統帶天津練軍同治十三年在營病故奉

硃批照提督軍營立功後病故例從優議卹

奏案

徽州府

漢梅銘彰縣人爲番君吳芮將從芮率百越佐諸侯伐秦入關

功多封十萬戶侯

漢書吳芮傳

陳程靈洗字元滌新安海甯人侯景之亂據彰欲以拒景梁元

帝授靈洗譙州刺史領新安太守封巴邱縣侯後助王僧辨鎮

防及陳武帝殺僧辨靈洗來援武帝遣使招諭久之始降授蘭陵太守仍助防京口平徐嗣徽有功除南丹陽太守封遂安縣侯王琳東下靈洗破之於南陵天嘉四年周迪寇臨川以靈洗爲都督自鄱陽別道擊走之遷中護軍出爲郢州刺史華皎之反也遣使招誘靈洗靈洗斬之朝廷深嘉其忠周遣其將拓跋定助皎靈洗嬰城固守及皎退因出軍躡定降之遂克周洸州擒其刺史裴寬以功進號安西將軍改封重安縣公卒贈鎮西將軍開府儀同三司諡忠壯配享廟庭南史本傳

唐汪華字國輔新安人隋末羣雄四起華亦起新安據郡稱王

重修安徽通志卷三百三十一

人物志武功

七

歙州府

時天下雲擾而境內無事者十餘年武德四年籍土歸款高祖賜之詔曰保據州鄉鎮靜一隅可使持節欽宣杭睦婺饒等六州諸軍事歙州刺史上柱國封越國公唐書高祖紀
程富休甯人隋末起鄉兵推汪華爲帥華定六州富力居多唐封華爲越國公富爲休甯縣侯鄉人廟祀華以富配食徽州府志
吳仁歡黟縣人永泰九年草賊方清攻破池之石埭據黟赤山僞置昌門縣以爲守備仁歡率鄉人數千從刺史長孫全緒討不之授朝散大夫因其壘改爲祁門縣遂以仁歡爲令卒之日士民思慕立祠祀之元和郡縣志
汪楫績溪人有神力授神策將軍屢戰有功德宗甚寵異之統志

汪濟字清叟婺源人乾符四年授衙前都虞候分成三吳嶺東

臨浙境號重鎮中和四年羣盜李重霸等破滅衆鎮潰與副將汪適開道出不意擊之賊遂駭潰楊行密授以歙州團練使後拒賊死鄉人立廟同邑汪武爲本州遊弈使戰守有功楊行密授以節度押衙以拒陶雅之增賦死鄉人德之爲立廟徽州府志
王璧字大獻祁門人唐相王璵之後也乾符中璧與塢鄭傳聚眾保州里拒黃巢又從楊行密討杜洪擊安全義皆有功行密承制授以檢校兵部尚書傳以功官保義都指揮使傳弟魯亦以功官宣州司馬爲祁門令有聲新安文獻志
戴護字邦護婺源人黃巢亂與鄉人團結自守討擒山賊余公美補廂虞侯又擊劇賊汪彖余知禮戮其渠魁一方晏然子壽代領其眾崇順義中累有戰功官指揮壽卒徐知訓表其子安爲饒州左豹捷指揮甚有威惠饒人立祠祀之徽州府志

重修安徽通志卷三百三十一

人物志武功

八

歙州府

程湓休甯人黃巢亂與弟湘洵依東密山爲寨協力戰守敗草賊畢鶴子等楊行密受朝命湓與二弟歸行密表湓爲歙州副統帥湘爲牙將湓卒洵代之爲東密嚴將湓子南節佐父起兵每戰必爲前鋒官兵馬指揮宋史
宋錢岳歙縣人與弟翬並讀書尚氣慨宜和中方臘餘寇未熅翬兄弟起鄉兵討平之建炎三年金兵將溯浙而西翬率方庚等逆戰於桐廬金人敗走事聞並補承信郎江南通志
王舜舉祁門人紹聖四年進士官信州通判方臘寇信伏兵破之寇平入覲授朝請大夫直祕閣徽州府志
胡閔休字良弼婺源人宋史靖康初中知兵科補承信郎二帝詣金營閔休結義士劫之何桌禁止之從辛道宗勤王南渡岳飛辟主管機宜文字以誅鍾子儀功進成忠郎飛被誣死閔

休發憤杜門而卒著有勤王忠義集宋史本傳 江南舊志

汪介然字彥確婺源人年十八領鄉薦從岳飛軍補宣撫司幹官又從韓世忠破劉忠等賊補進義校尉收復襄陽六縣歷官

忠訓郎以觀察使致仕徽州府志

元汪同字仲玉婺源人至正間蕪黃寇亂陷婺源同以義兵保

障鄉里收復州縣上嘉其勞拜淮南等處行中書省左丞後見

張士誠心不純欲以計圖之爲所覺先受其害時同邑起兵捍

鄉里者有汪斌游德敬徐伯宇許溥化又有休甯程均佐程均

保程善程道安俞茂吳觀國歛江宏宗江日新江憲度羅宣明

劉榮祁門馬國寶李均亮汪均信等其後或死或不出亦有入

明授官者江南通志 徽州府志

明戴貴字安榮績溪人以廕補畱守右衛百戶征五關等處有

功永樂間征安南又征交趾戰輒先登升指揮僉事調守交趾

宣德三年自交趾還爲南京守備致仕徽州府志

程佑字彥章休甯人正統己巳舉將材也先寇大同上書乞自

效戰輒先登遂解代州圍天順五年亭來寇莊浪佑從白圭出

固原雪夜從間道覘寇蹤跡還報幕府敗之於紅崖川後復隨

其兄信征山都掌蠻以功升指揮僉事卒於官子敏聰徽州府志

項鏞字大聲歙縣人官西安左衛經歷嘉靖二十五年寇掠延

安慶陽鏞請於督府曾銳馳擊破之時銃方事河套鏞謂宜徐

圖之不聽尋調沅州判官甘妹二苗交擾鏞請於督府郭任一

鼓擒之升武岡州同知卒沅民爲之立祠徽州府志

李錫字君寵歙縣人世襲新安衛指揮倭營戰數有功歷官江

北副總兵隆慶元年爲福建總兵與俞大猷郭成王詔合擊海

賊曾一本生擒之功最鉅擢都督同知六年以征蠻將軍代俞

大猷鎮廣西平樂府江者桂林抵梧州驛道也南北互五百里

賊巢盤互道路梗塞巡撫郭應聘與錫計悉破其巢進世職二

等柳州懷遠猛獍猱猱居猱尤獷悍殺官拒命錫統水師征

之破其巢一百四十進秩二等世襲百戶卒於官明史本傳

王寅字仲房歙縣人少年倣儻爲諸生棄去不顧聞少林僧扁

圖習兵仗甚精之少林受其術歸而盡破其產辭家遠遊海上

用兵客商宗憲幕多所匡正不能盡用乃西入陝省鄰省賊起

寅馳告有司屬郡從事縣簿部民兵往賊且近按兵不行寅入

軍中讓之兵乃乘連嶺賊果引去洩兵追及之殲焉晚自號十

岳山人一統志

王詔字維綸歙縣人四川都司僉書蔡百貫爲亂當事者用詔

策縛之龍州土司薛兆乾叛詔冒雨雪乘虛破明月關入龍州

遂擒兆乾超拜龍州參將徽州府志

管懋光字子謙歙縣人父簫世襲新安衛指揮懋光以三科武

舉爲軍門贊畫奉督府胡宗憲命同羅龍文使海寇徐海共謀

麻葉因設宴迎葉席間賭酒葉方出拳懋光自後拽而仆之斷

其一臂執送軍門宗憲罷懋光無所見其才僅襲父職而歿徽州府志

吳成器字德修休甯人隨父尉靖州應募擊苗授會稽縣典史

倭入會稽擊之於龜山又戰於王江涇陶家堰大敗之曹娥江

胡宗憲上其功擢布政司經歷又歙人江應晴者本諸生應宗

憲募亦歷戰功世襲千戶江南舊志 徽州府志

汪之斌字翥武婺源人崇禎辛未武進士授南兵部中軍守備

賊寇江浦以兵八百當數萬眾賊畏其勇盡遁再任安慶巡撫
史可法標下遊擊屢有戰功升水營參將以疾歸徽州府志
國朝江起龍歙縣人順治中任廣東水師參將駐白鶴寨當府城
入海之口為雷州左營營地備弛起龍大加整飭置一新遷
副將移營海安口出洋捕盜風發舟覆殞焉屢著靈異雍正九
年

封為英佑驍騎將軍之神一統志

舒德輝歙縣人順治十六年叛兵唐士奇蹂躪各縣防祁將弁
李芝應之祁門陷欲乘勢入影德輝率鄉兵禦之於石阮眾曰
騎者必李芝俄而一騎至德輝刺殺之則芝帥劉養心也芝懼
而遁一城獲全歙縣志

戴朝幹字亮采休甯人康熙丙午舉異才科甲寅演變以署守
重修安徽通志卷二百三十人物志武功徽州府志

備督理戰艦進剿岳陽寇據君山為壘朝幹以遊兵哨探設疑
幟賊謂大軍至不敢偪遂得要領扼其吭腹背夾擊大捷湖南
以次安戢事平擢洞庭水師營守備旋升江西都司會父卒令
甲無丁艱例以病陳情七上始允休甯縣志

汪乾葵源庠生康熙甲寅闖寇陷城乾率文武諸生詹錦等七
人結義勇殲賊數百人於盧嶺及事平旌七人之閭同時項茂
衍茂楷亦率眾保護鄉里後有張三明王尚權者皆協官軍剿
賊村堡獲全婺源縣志

葉正清休甯人以軍功授千戶調廣東征苗有功歷任參將姪
應元授縣丞不就從正清游霍山並家焉六安州志舊志六
程機字樞一歙縣人康熙乙丑武進士官甘肅提標守備三十
四年

上親征厄魯特振威將軍孫思克出平羅口機請隨軍五月兵至昭莫
多自辰至午戰未決請曰賊屯山頂我軍在下非決死不濟乃
以機為前鋒士皆下馬冒矢石上山機砍殺數人大軍隨之畢
登自未至酉賊大敗獨追至特勒爾濟口復殺二十餘人論功
世襲帶一等拖沙喇哈番後任漕標副將

上謂大臣曰江南亦有勇健敢鬪者卒子尚煒襲徽州府志

黃堂歙縣人雍正庚戌武進士官湖廣綏甯武岡守備時綏甯
苗不靖堂隨征有功武岡苗亦逆命堂以除夕引兵往擊苗不
備遂遁走後官廣東佛山鎮都司以上舊志

吳定州字老銘績溪人豪俠能得人以花燈蠱案入府獄後為
督辦皖南軍務張芾所用俾統安勇復祁門保藍翎都司會同
重修安徽通志卷二百三十人物志武功徽州府志

官兵進規東流建德銅陵池州咸豐八年調援浙江至武義擊
賊走之又同提督周天受進剿收復浦城等縣超保參將給勇
號遣以病卒軍中惜之績溪縣志

余光祖字典初黟縣監生隨父官費縣募勇剿豹子崗盜咸豐
間襄辦本邑練局於林歷山因險為固設伏林莽中賊受重創
遁去旋以父喪哀毀卒後數年賊始闖山陷若知曩事者咸追
悼之黟縣志

甯國府

晉魯宗之宣城人父顯遭世亂率鄉人戍守郡城南七十里其
地有清水里後人因名其水為魯顯水宗之積穀務濟匱乏禮
賓客桓元之亂宗之時為南陽太守起義兵襲襄陽破偽雍州
刺史桓蔚又戰於柞溪破偽武賁中郎溫楷後仕至雍州刺史

晉書桓元傳
南國府志

唐左難當一名匡政涇縣人隋末盜起率眾保障鄉里武德三年入朝授缺州刺史封戴國公四年為宣州總管奏以宣州之南陵秋浦二縣置池州六年輔公祏反圖缺州難當嬰城固守公祏敗授宣州都督貞觀十八年以澶州都督副平壤道大總管張亮伐高麗師旋而卒贈左武侯大將軍諡曰剛元和姓纂
縣志唐會要
新舊唐書高麗傳

按新唐書高祖本紀武德六年書難當降其地地理志於三年已書於涇縣置缺州元和郡縣志於四年書難當奏置池州則六年降者誤也今南國府志反據本紀以正誤是益之誤矣

梅知巖宣州人隋末盜起杜伏威起淮南汪華起新安左難當重修安徽通志卷二百三十人物志武功主南國府

據涇知巖亦據宣城保障鄉里相為犄角武德初同左難當歸附唐書高祖紀江南通志

左紹齊難當長子以隨父征高麗功拜都督襲封戴國公弟紹芳以靖輔公祏餘寇有功後隨侯君集擊高昌還拜指揮使鎮淮南萬姓統譜

方元蕩旌德人永貞初自左神策將軍授冠軍大將軍掌衛衛者十餘年從征河北討淮西有功封義成郡王授隴右節度使不願出外表居長安從之長慶中卒南國府志

方從訓甯國人父虔唐末為楊行密守甯國從訓代之以捍禦著功十國春秋本傳

宋李材字達才太平人宣和末金國太原以太學生上書言三關四鎮國家根本宜遣偏師倍道趨雁門入定襄復忻代截石

頭關絕其歸路俾腹背受敵朝議以為然命陳淬武漢英等將兵徑收忻代材參謀畫居多仕終蘄州通判江南通志

凌震涇縣人侍郎策之後也端宗時為廣州都統元兵夷廣州震與轉運判官王道夫復取之又復海州後元兵至道夫被執震敗走又敗於焚壩不知所終宋史帝昺紀
萬姓統譜

萬文勝甯國人以功累官福州觀察使總殿前諸軍理宗飛白書忠實二字賜之卒贈開府儀同三司武安節度使福建通志
甯國府志

按宋理宗本紀嘉熙元年六月詔賞蘄州都統制萬文勝守城之功又孟珙傳有元兵入淮伺江帥萬文勝戰不利之語府志不載附識之

元徐用和南陵人至正開海氛大熾行中書左丞帖理帖木兒以用和參贊軍務剿撫有功升都鎮撫上命繪圖傳達卒賜祭重修安徽通志卷二百三十人物志武功西甯國府

葬江南
胡武孫涇縣人至元庚寅與子有慶佐黃朱二宣尉擒賊有功升湖州路同知有慶尉婺源有三虎入城發三矢皆斃之貫雲石為作射虎行賈學士集
江南通志

明袁洪宣城人壽春籍洪武初從軍歷戰有功官左都督子容尚燕都主從入京師主進永安公主容以駙馬都尉封廣平侯宣德三年卒追封沂國公諡忠穆明史公主傳
功臣表

何應龍字子驤南陵人元末里中俠少嘯聚應龍斬其渠魁餘俱聽命乃散粟結士部署捍禦鄉井獲安有司上其功授民兵萬戶明初歸附仍令世襲衛京師丙辰從西征至歸德州卒

江南通志
劉福字長卿宣城人太祖下廣德福來歸從克金華復桐廬隨

李文忠北征以功升濟南衛千戶後又從征雲南屢有戰功升

金安前衛指揮僉事封明威將軍卒子傑襲府志

方彥忠宣城人明初從何文輝取福建職功多授武德將軍世

襲濟陽衛中所千戶同邑湯貴亦以功授昭武將軍世襲燕山

右衛同知府志

李遇文字克顯其先河開人世襲宣州衛指揮遂籍宣城歷劉

河遊擊時小琉球三十六人風潮颶至把總陳嘉謨欲指為倭

賊斬首報功遇不可召通事訊實遣歸升杭嘉湖參將萬歷二

十二年以湖廣副將從陳璘征播逆楊應龍由開道出不意擒

之露布以聞上喜賜金幣會皮林苗叛從璘擒其酋銀貢追擒

其魁王佗於廣西以功轉左軍府都督鎮貴州卒明史陳璘傳

行略

重修安徽通志

卷二百三十 人物志 武功 五 甯國府

耿宗元宣城衛人世襲指揮僉事嘉靖間洋盜竊據漳南宗元

擒其首張連升福建都司隨奉敕搜剿沿海寇盜復擒藍松山

蘇阿普等升廣東惠潮參將後以截殺倭黨被傷卒於陣府志

沈有容字士宏宣城人僉事龍之孫也舉萬歷七年武鄉試為

昌平千總調薊鎮以二十九人迎擊朵顏長昂三千騎於劉家

口由是知名再從李成梁出塞並有功遷都司僉書守浯嶼銅

山敗倭於彭山洋以二十一舟出海遇風存十四舟遇倭於彭

湖縱火沈其六舟倭遂去海上息肩者十年西洋紅毛番長韋

麻郎至澎湖求互市稅使高崇召之也有容請往諭指陳利害

揚帆去天啟改元以陶朗先巡撫登萊而擢有容都督僉事充

總兵官明年廣甯覆遼民走避諸島日望登師救援朗先下令

政渡一人者斬有容爭之立命數十艘往獲濟者數萬人以年

老乞骸骨歸卒贈都督同知賜祭葬明史本傳

孫鎬號西涯太平人嘉靖丁酉舉人知臨縣賊有師尙詔者

縣師字於良民之面州縣遇縣者即指為賊由是賊益眾鎬下

令曰歸農者民抗闖者賊師字有無不問賊遂解散擢知簡州

土司楊氏嫡庶相爭擁兵鬪鎬戢官長朝命鎬往以數騎行

之曰我來詢所宜立嫡庶皆留鎬宴鎬亦報之每宴嫡庶必俱

猜疑漸忘至九月九日鎬指北山曰宜登高嫡庶偕行方命

忽一吏白曰詔到鎬跪二人亦跪急命持旗下斬之鎬蓋先相

此地伏以俟也後晉瑞州府同知歸民為立祠通志

查國齡涇縣人萬歷丁未武進士署指揮僉事以擒海寇功為

閩臣孫承宗所識拔歷官宣府總兵府志

蕭芬涇縣人萬歷間以揀更仕蘄州吏目賊蔡得充聚眾肆掠

重修安徽通志

卷二百三十 人物志 武功 六 甯國府

芬以計擒之黃梅賊梅堂擁眾稱王芬守宿松禦之亦以計擒

移太甯簿播寇楊應龍叛督師邢玠知芬材徵至軍前芬單騎

入營諭以利害應龍聽命題巴陵縣丞未幾楊酋復叛芬轉運

軍前如期克辦賊平升南川令未仕告歸府志

吳江龍字見田涇縣人萬歷丁未武進士授廣德柘林守備擒

斬海賊桃花老等升貴州都司會有苗寇奉檄襄戎事屢擒賊

酋詔書褒賞協鎮清浪土苗負固單騎馳諭皆感激聽約束遷

廣西昭平參將復諭服廣東諸賊升永甯副總兵告歸卒於家

府志

張載廣涇縣人崇禎辛未武進士時疆宇需才詔依文殿試例

傳臚以王來聘為狀元載廢榜眼武榜三元自此始巡撫張國

維剿賊江南拔置標下屢立戰功賊犯江浦六合間道突安慶

載展馳救賊望風遁去復犯太湖又逆擊鄴家店斬獲無算

官蘇州游擊

明史陳于王傳
甯國府志

管一馴南陵人以三科武舉歷保定大甯都司闖賊犯鎮用連環礮擊卻之夜巡城遇都御史張寅陰事寅懼遂以通寇誣劾

一馴下獄及賊陷京城逃歸不出

甯國府志

國朝唐邦杰字輔展宣城人順治初以總兵官領河州平西山巨寇陝西保安兵亂單騎叩其壁諭以禍福事遂定積石枹罕二十四關修邊城八百五十丈火兒藏野番皆畏服

封榮祿大夫廕一子

江甯通志

翟士怡字子黎涇縣諸生順治初土寇蜂起橫掠涇太石青諸縣開怡與族弟之珽奉操江檄練鄉勇固寨柵怡任守珽任餉

戊子四月賊至墮伏中斬獲無算己亥海氛自閩歷饒歙闖入

重修安徽通志

卷二百三

人物志 武功

七

甯國府志

涇境怡合鄉勇計殲其魁一方安堵之珽字廷玉明末授中書

舍人賊平當事欲為保薦皆辭不受賞以咏嘯自娛

甯國府志

趙嶽生字福公涇縣人順治辛丑武進士授山西陽方口守備

增設城堡捐修黃運二河升江南督標右營遊擊江西賊竊發

馳往祁發設伏斬獲招降僞官吳俱勝等撫安難民八千三百

餘口歷升廣東春江副總兵北津寨小醜煽亂遣舟師平之推

升總兵以疾歸

甯國府志

王昶字永思宣城廣生棄去從軍授千戶楚省督標兵變從

巡撫李之芳督師討亂以功升福建漳浦守備從征臺灣恢復

海澄廈門金門攻破潮山十九寨加左都督銜俸視一品授騎

都尉世襲二次遷江西南營副總兵卒祀昭忠祠子宏緒亦

以臺灣功加左都督銜候補游擊

甯國府志

劉宏基字潤伯宣城人少從沈壽民楊廷樞周鎮遊性孝友工文詞以順治辛卯武舉授徐州守備歷福建都指揮使驃騎將軍上護軍時海氛未靖宏基以撫代剿軍律嚴明專閫十載有古名將風卒於官閩民祠祀之同族劉驥康熙壬辰武進士選一等侍衛宿衛扈從累蒙

賜資歷官廣東羅定副總兵卒兵民祠祀

甯國府志

查之愷字維勤涇縣人康熙丁巳以行伍從巡撫吳興祚解泉州圍復永春等縣戰輒奮勇先登尋從復金門廈門蕩平海氛

以功歷官至廣東右翼鎮標中軍游擊食一品俸

甯國府志

胡鎮遠字定侯涇縣人以武舉效力陝西敘功授長沙協都司督修武漢江隄以節省之費貯為歲修費後以委勘遠近烽墩

四旬內往返八千餘里積勞成疾卒

甯國府志

重修安徽通志

卷二百三

人物志 武功

大

甯國府志

崔彪字從翼太平人以行伍從軍追剿海逆克復海壇南日平

海湄州崇武泉塗等處直抵金門廈門克澎湖三十六島皆有

功補臺灣水師左營紀功授左都督仿古屯田法教以墾闢軍

民安堵歷任直隸撫標左營遊擊食一品俸

甯國府志

郭鎮邦號臨菴旌德人康熙己未武進士庚申從鎮平將軍徐

治都征蜀寇譚宏頭被重傷辛未攻克雲陽萬縣授廣西平樂

副將中軍時富川賊猖獗鎮邦率兵殲其巨魁升直隸撫標遊

擊癸未二月

聖祖仁皇帝巡幸五臺迎伏道左蒙

恩顧問驗其舊創

賜蟒服累遷至湖廣寶慶協副將辛年七十五同邑宋之斌以武舉歷官江西提標左營游擊隨軍征剿有功後防禦撫州長沙武岡

等虞俱著勳績富國府志

翟藩字南屏涇縣人咸豐三年聯絡諸村團練保衛鄉里四年

秋賊屢犯境不得入竄東壩藩遣子率眾往援復募勇借吳楠

破蕪湖魯港賊巢進剿繁昌荻港皆有功涇劉名聞遠近吳楠

最著倡之者藩也五年春積勞卒方宗誠文集

以下新修

汪禧金字芝田旌德舉人咸豐七年以知縣揀發貴州署安化

時苗教各匪並起麗金連敗賊於張家寨平馬鬃嶺各巢計擒

銅江賊首解印江圍又擊賊於藤溪各村思南肅清調署仁懷

殲構疊練總陳志賢撫其眾扼石達開餘黨於茅台河分兵焚

其巢以功升同知直隸州調署貴定擊白號教匪走之同治三

年補郡儒廳同知思南賊復熾再調仁懷兜剿降之積勞卒官

旌德縣志

重修安徽通志卷二百三十

人物志 武功

充 富國府

吳登鼇字雲門宣城衛籍武舉官湖北漢陽營游擊咸豐二年

九月漢陽城陷打仗受傷殺賊甚多四年禦賊於黃州龍望山

獲勝進剿德安克復應山應城雲夢德安等城嗣防長江埠傷

發卒於軍宣城縣志

池州府

明陳賢甫貴池人元末盜起集鄉兵自保與趙普勝等相拒數

年常遇春下池州賢甫率眾歸附一州獲全池州府志

徐琇青陽人嘉靖初以貢授會昌主簿攝縣事為民償逋賦會

湖廣蠻叛臺臣以琇嫺韜略奏加監紀銜督師征之累戰皆捷

擒其魁敘功擢兵備副使卒於軍加恩遣官致祭池州府志

紀元憲貴池人萬曆間以武進士歷官右軍都督僉事賊袁八

老跳梁數載元憲擒之敘功升右都督以年老致仕歸池州府志

檀武臣字思吾建德人隆慶二年以武進士歷神樞營參將為

咸繼光所重江南通志

何自謙銅陵人萬曆間以貢授瓊州府通判時朝廷遣中使至

瓊與羣黎市珍異屢有激變相劫殺者自謙從中調護之得無

事後代守入覲回中途聞黎變大作疾馳渡海合雷陽三路兵

搗黎穴冒暑深入擒其渠魁黎始帖服因條撫黎數事上之詔

如議敘功進長史政仕江南通志

金文光石埭人萬曆甲辰武進士官福建游擊剿紅毛倭寇有

功丁父艱去位崇禎初起為江西南贛參將會屬境土賊踞九

連洞為寇流及閩廣文光以兵深入剿平之贛人為立生祠江南通志

方儀鳳貴池人萬曆丙辰武進士第一授廣東屯田都司會書

重修安徽通志卷二百三十

人物志 武功

干 池州府

大興屯政以給軍食歷廣東參將紅毛劫掠海上督兵御之擢

南路副總兵著韜略全書行世子懋昌能世其學以萬曆武進

士歷貴州安順副總兵崇禎癸未調泗州護陵副將擒叛將王

永成黨劉超撫臣移為本郡城守江南通志

施臺臣青陽人天啟壬戌進士知龍巖縣傍海紅毛入寇臺

臣督民兵逐之寇遜去邑賴以全又建德馮時來由舉人知江

安縣土番寇掠時來集兵固守賊攻城數月不能下始解圍去

江南通志

金孔器字連如建德人崇禎初以貢知蒲臺縣有奸民據海島

寇掠傍海諸邑孔器嚴守備以待之賊不敢犯調江西崇義剿

平土寇擢南康同知南康地接楚界流寇蹂躪山賊往往勾引

為應孔器隨宜撫剿奪還所掠婦女二千餘人郡境以安後致

仕歸蒲臺崇義南康皆立祠祀之

江南通志
池州府志

曹禹芳字時若貴池人少習騎射於皖熟悉濱江要害形勢嘗

條列防江十策上操撫李日芄悉中機要時左良玉兵敗於獻

賊奔襄陽降軍悍卒往往借左軍爲名恣剽掠蘄州守將王允

方儀舉成爲亂首破建德侵池陽禹芳推牛犢士踴躍登陴夜

率奇兵擊之賊驚退復追擊之獲其鎧仗城得全撫軍委署池

陽四營都司行事定題奏而禹芳已創裂卒人皆惜之

池州府志

國朝章耀石隸人順治初任池陽城營守備時荏苒未靖耀撫剿

餘寇所向蕩平以功升汀州遊擊又有劉士毅者貴池人順治

初爲皖撫標左營都司剿六峯山寇招撫鄰郡山寇潛山太湖

宿松及徽甯等處皆安堵無恐以功進驃騎階

池州府志

曹曰璋字繼武貴池人康熙癸未武進士第一授二等侍衛從

重修安徽通志卷二十三

人物志

武功

三

池州府

征厄魯特有功出爲山西利名路參將累擢陝西興漢等處總

兵官漢江暴漲州城盡圯曰璋督軍士晝夜巡防感寒疾卒

江南通志
池州府志

重修安徽通志卷二百三十一

人物志

武功二

太平府

漢抗徐字伯徐丹陽人初試守宣城長移深林椎髻烏語之人置縣下境內無復盜賊後爲中郎將宗資別部司馬擊大山賊公孫舉等破平之封烏程東鄉侯五百戶遷大山都尉盜賊望風奔亡與度尚俱爲名將遷長沙太守時荊州兵朱蓋等徵成日久財賞不贍忿恚作亂與桂陽賊胡蘭等攻桂陽眾至數萬乃詔徐與度尚并勢討擊斬蘭等後卒於官後漢書度尚傳

張磐字子石丹陽人爲交趾刺史胡蘭既破餘賊走蒼梧度尚懼爲己責僞言蒼梧賊入荊州界於是徵磐下獄會赦見原磐重修安徽通志卷二百三十一 人物志 武功 太平府

不肯出吏詰其故磐曰胡蘭作難荊州餘黨散入交趾磐身膺甲冑涉危履險討擊凶惡斬殄渠帥餘燼烏竄官頓還奔度尚懼磐先言畏罪見誣磐備位方伯爲國爪牙事有虛實法有是非豈甘忍恥苟免乞傳尚詣廷尉面對曲直廷尉以狀上詔書徵尚辭窮受罪以功見原磐以清白稱終廬江太守後漢書度尚傳

陶謙字恭祖丹陽人少察孝廉除舒令郡守不樂而謙在官清白無可糾劾少察以下舊志廬州府名宦由州郡仕至徐州刺史擊黃巾大破走之境內晏然李傕郭汜之亂四方斷絕謙聞道奉貢詔遷徐州牧加安東將軍封溧陽侯曹操父嵩避難過琅邪謙別將襲殺之操遂擊謙謙求救於劉備及備至徐謙已病謂糜竺曰非此人不能安此州也因以州讓備而卒後漢書本傳

三國志本傳

晉陶回丹陽人祖基交州刺史父抗太子中庶子回初爲王敦參軍王導引爲從事中郎遷司馬蘇峻之亂回言於導請早守江口及峻將至回復謂庾亮曰峻知石頭有重戍不敢直下必向小丹陽南道步來宜伏兵要之可一戰而擒也亮不從峻果由小丹陽迷失道行無部分亮甚悔之王師敗績回還本縣合義軍千餘人與陶侃溫嶠并力攻峻又別破韓晃以功封康樂伯遷吳興太守時人饑穀貴回上書不待報便開倉割府郡軍資數萬斛以救之一郡獲全既而下詔會稽吳郡依回賑恤二郡賴之徵拜領軍將軍咸和二年徙護軍將軍未拜卒晉書本傳

甘卓字季思丹陽人世仕吳卓入晉以討石冰功賜爵都亭侯元帝渡江授前鋒都督揚威將軍歷陽內史討周馥征杜弢以功進爵南鄉侯拜豫章太守尋遷湘州刺史復進爵于湖侯以重修安徽通志卷二百三十一 人物志 武功 太平府

安南將軍梁州刺史假節督沔北諸軍鎮襄陽王敦謀逆遣使告卓卓使參軍孫雙詣敦諫止敦大驚遣樂道融要卓俱下道融本欲背敦因說卓襲之卓遂露檄遠近陳敦肆逆奉表詣臺遷卓爲鎮南大將軍侍中都督荆梁二州諸軍事荊州牧卓雖懷義正而心不果決軍次豬口累旬不前還軍襄陽忽舉動失常襄陽太守周慮密承敦意襲卓於寢四子皆遇害大甯中追贈驃騎將軍諡曰敬晉書本傳

明吳昇字彥高當塗人元末盜起昇以郡兵擒劇賊方揚蔣山蕭三等補當塗尉太祖渡江昇來歸擢總管元守臣初遁復屯近郊來攻昇使同邑朱化隆吳大通宋成伏襄城橋下擊而擒之從擊金陵擒同知觀音奴又從取徽州常州嚴州皆有功弟晟子興次子振皆死王事吳元年克平江以其父裕知府事而

裕已卒 江南通志

邢珣字子用當塗人宏治癸丑進士正德初歷官南京戶部郎

中忤劉瑾除名瑾誅起南京工部遷贛州知府招降劇盜滿總

等授廬給田撫之甚厚後討他盜多得總力南安龍川盜大起

據橫水桶岡左溪諸峒都御史王守仁會征珣議先橫水左溪

遂以贛兵出不意先破二峒直抵桶岡官雨進兵誅其魁賊乃

平增二秩逆濠之叛以厚賞誘滿總總執其使送珣珣即日以

師會守仁次樟樹建議疾馳南昌濠返兵相拒值南風猛與伍

文定緝葦灌油火舉風發遂大破之宸濠就擒授江西參政以

左布政致仕贛人思之立報功祠於贛宮祠守仁以珣爲配 明史

太平府志 徐洲當塗人嘉靖中官羅源典史鄰寇犯境令方他出洲矢志

重修安徽通志卷三十三 人物志 武功 三 太平府

固守製藥弩以退敵明年賊復率眾來攻洲力卻之追至古田

界手刃七人三戰三勝賊不敢復犯城賴以全 福建通志

孫吳初名國寶當塗人家於老營嘉靖中以武略登進士任廣

武守備時以斬級功賜名吳累遷都督僉事爲協守老營副總

兵官吳以老營地當絕塞屢經大敵乃大修城垣守禦之具畢

備且請建立學校訓練之暇則以講藝敵屢入擾多所斬獲 統

名山志 陶旺當塗人先爲福建都指揮僉事剿捕龍縣叛賊羅三福等

五百七十餘人平其餘黨巡按御史趙奎以其智勇廉謹薦之

於朝遷都指揮同知 福建通志 新增

裴希度號綠野當塗建陽衛人世襲指揮僉事喜讀書精騎射

由把總積功歷福建總兵官海寇鄭芝龍橫掠沿海州郡倚巨

艦爲長城風帆飄忽瞬息千里希度伺其將至豫伏死士數百

船中挾撓鉤長釘銳斧以鉤急挽其船使傍已船躍入斧斫之

賊死無算芝龍乃乞降沿海以安 江南通志

俞茂勳字繩武蕪湖人父昌齡以歲貢司訓池州升山東泗水

令茂勳從父之任會白蓮教妖賊徐鴻儒丁寡婦等倡亂築重

圍以攻泗茂勳突圍至都督楊肇基帳下請援遂以援兵至射

書入城約夾攻賊潰走尋撲滅假茂勳守備父病歸歸後中崇

禎壬午科武舉左良玉敗歸襄陽兵不戢警及蕪湖茂勳糾義

兵扼之三日會左懋第以書責良玉乃撤去茂勳授守備終於

家 太平府志

謝雲駒字時駕當塗人由明經授儀徵訓導時淮陽賊寇不時

告急雲駒密偵伺嚴守備賊至四面攻圍躬荷戈登陴鼓舞士

卒運石傳餐無時稍懈賊退復單騎四鄉安撫勞慰巡撫史可

法曰廣文中乃有此人敘功應不次遷擢會病卒 太平府志

國朝李茂根字帶湖當塗人

大兵南入浙督帥張存仁知其才以杭州知府擢浙江布政司參

議分守杭嘉湖土寇蜂起湖州失守茂根率騎兵三百銜枚抵

城下賊疑兵大至夜遁散入長興等處茂根多方招撫民賴以

安以疾歸卒於家 太平府志 以上舊志

廬州府

隋陳稜字長威廬江襄安人父峴譙州刺史陳亡廢於家高智

慧等作亂欲推爲主峴拒之稜曰不如僞許之別爲後計遂使

稜告於柱國李徹請爲內應徹未至而謀洩峴遇害稜僅以身

免煬帝卽位授驃騎將軍虎賁郎將與張鎮周泛海擊琉球平

之進右光祿大夫楊元感之亂稜擊斬其所署黎陽刺史元務
本尋奉詔於江南營戰艦破彭城賊帥孟讓賜爵信安侯煬帝
幸江都遇弒稜集眾縞素爲發喪改葬論者義之後爲杜伏威
所害附書本傳

唐袁襲廬江人秦畢之亂高駢辟楊行密爲行軍司馬俾率所
部赴難襲言於行密曰高駢倦於政事聽惑妖妄甯非天將贊
於公耶行密善其言乃移檄諸州集兵數萬至廣陵破賊入城
招輯編戶會孫儒兵至襲曰今城壁未完賊且盛不如避之先
是海陵將高霸擁眾未附行密將令以兵屯天長扼儒來路襲
曰霸擁大眾心持兩端若使居天長是自扼也可因犒其士卒
擒而斬之行密遂斬霸而併其兵行密聞孫儒至復欲遯海陵
襲曰不若歸合肥繕甲兵再議攻取乃走廬州久之欲取洪州

重修安徽通志卷三十一 人物志 武功 五 廬州府

襲曰江西兵強食足勢未可圖趙鎰新得宣州怙亂殘暴眾心
不附宜說和州孫端上元張雄使侵其地公自銅官渡江會之
取鎰必矣遂擒鎰入宣州九國志本傳 十國春秋本傳

朱延壽舒城人事行密破秦彥畢師鐸趙鎰孫儒功居多壽州
刺史高彥溫舉州入朱全忠行密襲之延壽拔其城即表爲淮
南節度副使取黃蘄光三州遷壽州團練使昭宗在鳳翔詔延
壽闢蔡以披全忠勢擢奉國軍節度使田頔之附全忠與延壽

陰約行密遣辯士召延壽揚州禽殺之唐書本傳

口頔字德臣合肥人行密據廬州頔謀爲多攻趙鎰於宣州鎰
出逸見禽攻常州殺刺史杜棣會孫儒南略頔等屯丹陽與戰
卒禽儒乃表頔南國軍節度使累遷檢校太保同中書門下平
章事已平馮宏鐸至揚州謝行密左右求貨不已又請池歛爲

屬不許頔始怨將還指府門曰吾不復入此後爲臺濠所殺頔
居恆蓄死士號爪牙都所向無前又善爲治通利商賈尤善遇
士以是杜荀鶴等多爲之用唐書本傳 十國春秋本傳

臺濠字頂雲合肥人少爲金牛鎮將行密據合肥來歸從征秦
畢趙鎰俱有功遷楚州刺史天復三年田頔叛行密歷敗諸將
無敵頔者乃謂濠曰非公不可濠入其境即翻陣以往軍士俱
笑其怯濠曰頔宿將多謀當自過防翌日果遇陣于廣德濠先
以行密書遺頔將校皆下馬拜受因其擾亂塵眾擊之頔大敗
遂圍宣城頔出求戰爲外軍所殺行密承制加濠檢校太保宣
州觀察使九國志本傳

高勛舒城人行密原文作太祖起淮南辟掌書記時軍興用度不足
欲以茶鹽易民布帛勛曰兵火之餘十室九空又漁利以困之

將復離叛不若盡我所有易鄰道所無選賢守令勸課農桑數
年之間倉庫自實田頔聞之曰仁人之言其利溥矣十國春秋本傳

戴友規廬州人行密原文作太祖鎮宣州時與孫儒戰失利欲退走
友規曰儒來氣銳其眾不可敵而可久以敬之淮南士民從公
渡江及自儒軍來降者宜遣將護送歸淮南使復生業儒軍聞
淮南安堵皆有思歸之心人心既搖安得不敗從其計遂大破
儒兵十國春秋本傳

李友合肥人有膽略善撫士卒大順元年將兵二萬屯青城略

地常州已進拔蘇州走浙將沈繁爭先排陳勇冠一軍遷尙書
蘇州刺史孫儒陷蘇州見殺贈太保十國春秋本傳

按舊引十國春秋各傳俱改太祖作行密茲於朱田二傳改
用唐書餘則兼引九國志以遞更改原文之嫌至高戴李三

傳別無微引仍從舊志

梁王景仁合淝人初名茂章事楊行密起淮南臨敵身先士卒梁太祖遣子友甯攻王師範於青州景仁以步騎七千救師範度友甯兵困乃出戰大敗之斬友甯梁以兵二十萬倍道至景仁閉壘示怯伺急毀柵而出戰酣退坐召諸將飲酒已而復戰梁兵又敗景仁還梁急追之遣裨將李虔裕設覆以待虔裕戰死梁兵以故不能及得全軍以歸行密死子渥自宣州入立以景仁代守反求宣州故時物景仁不與渥攻之奔於錢鏐梁太祖遣人召之以爲甯國軍節度使五代史本傳

吳陶雅合肥人從太祖討定舒州盜吳迴李本等攝舒州刺史已而擊趙乾之於九華破之授池州制置使改團練使有惠政寬厚得民景福初田頔攻歙州不下歙人曰得陶雅爲刺史請重修安徽通志卷三十一人物志武功七廬州府

重修安徽通志卷三十一

人物志武功

七

廬州府

聽命卽命雅爲歙州歙人納之雅盡禮見故刺史裴樞送之還朝久之加檢校司空潯陽公高祖時遷觀察使累加都團練使治歙凡二十年卒雅鎮靜寡言善用兵天祐中充西南招討使援陳詢於睦州一夕軍中夜驚士卒多亡去雅安臥不動須臾自定亡者皆還無何大敗浙兵歸世咸服其有應變之略十國春秋本傳

本傳舊志入唐新核

劉威慎縣人仕太祖爲牙將與安仁義等破劉建鋒有顯功已而孫儒屢勝太祖太祖欲退守銅官威言賊倍道遠來可以不戰疲之儒遂爲我所禽授廬州刺史遷觀察使是時四郊多壘井邑蕭然威內撫外禦廬州以甯擢鎮南軍節度使撫州危全諷帥兵十萬來攻洪州時守兵裁千人威密遣使告急於廣陵而日召僚佐奏樂宴飲全諷疑不敢進及周本將兵救高安全

諷被執而洪州獲全徐溫常內忌威欲興師致討威詣廣陵以明無二心隨遣還鎮居數年卒十國春秋本傳新核

秦裴慎縣人從太祖爲牙校引兵三千攻崑山拔之烈祖時充西南行營都招討使將兵擊鍾匡時於江西諸將請阻水立寨裴不許俄匡時將劉楚據其地諸將已咎裴裴曰匡時驍將獨楚一人吾正欲以要害誘致之耳頃之破寨執楚進陷洪州匡時以歸改洪州制置使及劉存與潭軍戰沒復授鄧岳觀察使會潭人入寇裴遣弟師鐸師虬乘戰艦先往裴登黃鶴樓以望乃以平頭舫顧小校曰但乘此展旗奪潭人船以戰及與師鐸軍合乃建大將旗潭人睥睨因擊敗之裴在治七年積軍儲二十萬開青山大冶公家仰足十國春秋本傳九國志本傳

重修安徽通志卷三十一

人物志武功

八

廬州府

王綰合肥人仕太祖爲海州副使天復中青州王師範以沂密內叛乞師太祖遣臺濠及綰將兵援之已拔密州進攻沂城謀者偵城中偃旗息鼓綰謂此不可擊諸將堅欲攻之綰不能止乃設伏以待攻者果不克敵乘勢追之伏發得濟其用兵多類此武義元年加鎮東大將軍遷百勝軍節度使卒十國春秋本傳舊志入唐

張崇慎縣人官至廬州觀察使光州將王言作亂崇不俟命引兵討定高祖獎賚有加久之擢德勝軍節度使武義改元加安西大將軍十國春秋本傳

南唐王會廬江人本名安少事楊行密臨戰升高望敵會捧唾壺侍側忽有卒持稍徑趨行密莫能禦者會置壺於地引弓一發而殪徐納弓歟中復捧壺立行密喜曰汝罷度如此必當貴

積功至袁州刺史徐知誥代吳爲百勝軍節度使虔州地與嶺